



REPUBLIKA E SHQIPËRISË
KUVENDI

PROJEKTLIGJ

Nr. _____/2024

**“PËR
DISA SHTESA DHE NDRYSHIME NË LIGJIN NR. 79/2021
PËR TË HUAJT ”**

Në mbështetje të neneve 78 dhe 83, pika 1, të Kushtetutës, me propozimin e Këshillit të Ministrave,

**KUVENDI
I REPUBLIKËS SË SHQIPËRISË**

VENDOSI

Në ligjin nr. 79, datë 24.06.2021, “Të Huajt”, të ndryshuar, bëhen këto shtesa dhe ndryshime:

Neni 1

Në nenin 3 bëhen këto shtesa dhe ndryshime:

1. Pika 5 ndryshohet si më poshtë:

“Dëbimi” është masa që merret ndaj të huajt, subjekt i një urdhri dëbimi, ose urdhrit për shpallje “person i padëshiruar”, i cili është i detyruar të largohet, shoqëruar ose jo, nga territori i Republikës së Shqipërisë.

2. Pika 15 ndryshohet si më poshtë:

“Largimi” është masa që ekzekutohet në mënyrë vullnetare nga i huaji për largimin nga Republika e Shqipërisë brenda afateve kohore të përcaktuar në këtë ligj.

3. Pika 31 ndryshohet si më poshtë:

31. “Persona vulnerabël” janë fëmijët e huaj, përfshirë fëmijët e pashoqëruar, personat me aftësi të kufizuara, të moshuarit, gratë shtatzëna, prind i vetëm me fëmijë, si viktimat e dhunës

me bazë gjinore dhe/ose dhunës në familje, viktimat, të cilët kanë qenë objekt i torturës, të abuzimit seksual dhe/ose formave të tjera të të rënda të dhunës. Gjithashtu në këtë kategori përfshihen, migrantët, që për shkak të situatës së tyre specifike, nuk janë në gjendje të gëzojnë të drejtat e tyre dhe janë në kushte veçanërisht delikate, si punëtorët e shtëpisë, migrantët me orientim të ndryshëm seksual, migrantët në gjendje shëndetësore të rëndë dhe ata me aftësi të kufizuara.

4. Pika 36 ndryshohet si më poshtë:

36. "Punësimi me kualifikim të lartë" nënkupton punësimin e një të huaji që mbrohet si punonjës sipas ligjit kombëtar të punësimit ose në përputhje me praktikën kombëtare, pavarësisht nga marrëdhënia juridike, me qëllim ushtrimin efektiv dhe real të një pune, për ose nën drejtimin e një personi tjetër, i cili paguhet për atë punë dhe disponon kualifikimet e larta profesionale të kërkuara.

5. Pas pikës 56 shtohen pikat 57, 58, 59, 60 me përmbajtje si më poshtë:

"57. "Shtetas i një vendi të tretë" është çdo shtetas që nuk është shtetas i vendeve të Bashkimit Evropian, si dhe çdo shtetas i një shteti që nuk gëzon të drejtat e lëvizjes së lirë në Bashkimin Evropian.

58. "Investitor" është individi që investon në një njësi ekonomike si një biznes me qëllim pasjen e një kthimi financiar.

59. "I vetëpunësuar" është i huaji që kryen një veprimtari të ligjshme në përputhje me legjislacionin kombëtar kundrejt një pagese ose formë tjetër fitimi.

60. "Punëtor shtëpie" është i huaji që punësohet nga kryefamiljari për të kryer punë të shtëpisë ose shërbime të ndryshme të kësaj natyre në përputhje me legjislacionin kombëtar."

Neni 2

Në nenin 4 bëhen këto shtesa dhe ndryshime:

1. Në pikën 5 togfjalëshi "struktura përgjegjëse për të huajt" zëvendësohet nga "autoriteti përgjegjës për çështjet e migracionit".
2. Në pikën 8 pas togfjalëshit "trajtimin e marrëdhënieve" shtohet togfjalëshi "dhe kërkesave".
3. Pika 10 shfuqizohet.
4. Në pikën 11 pas togfjalëshit "për vlerësimin e" shtohet termi "cënimit"

5. Pika 16 ndryshohet si më poshtë:

"Autoritetet shtetërore qendrore përgjegjëse për hartimin dhe zbatimin e programit kombëtar të integritit social të të huajve janë: ministria përgjegjëse për çështjet e punësimit, ministria përgjegjëse për çështjet sociale, ministria përgjegjëse për arsimin, sportin, dhe kërkimin shkencor, ministria përgjegjëse për turizmin, ministria përgjegjëse për rendin dhe sigurinë publike dhe ministria përgjegjëse për rininë."

6. Pas pikës 16 shtohen pikat 17,18 dhe 19 me përmbajtje si më poshtë:

“17. Autoriteti shtetëror qendror përgjegjës për përcaktimin e statusit të pashtetësisë dhe lëshimin e dokumentit një personi pa shtetësi, është struktura që mbulon çështjet e shtetësisë, azilit dhe të huajve në ministrinë përgjegjëse për rendin dhe sigurinë publike.

18. Autoriteti shtetëror qendror përgjegjës për politikën e migracionit, është autoriteti përgjegjës për çështjet e migracionit, në ministrinë përgjegjëse për rendin dhe sigurinë publike.

19. Autoriteti shtetëror përgjegjës për kontrollin e respektimit të të drejtave në punë, zbatimit të kushteve të punës dhe sigurisë dhe shëndetit në punë të punëmarrësve të huaj është struktura përgjegjëse për inspektimin e punës.”

Neni 3

Në nenin 6 bëhen këto shtesa dhe ndryshime:

1. Në pikën 1 pas termit “shumëpalëshe” shtohet togfjalëshi “ose me qëndrim të njëanshëm të shprehur me vendim të Këshillit të Ministrave”.
2. Pas pikës 12 shtohet pika 13 me përmbajtje si më poshtë:

“13. Procedurat e hyrjes dhe daljes së shtetasve nga vendet e treta që hyjnë në Republikën e Shqipërisë pa vizë, rregullohet me vendim të Këshillit të Ministrave”.

Neni 4

Në nenin 12 bëhen këto ndryshime:

1. Pika 1 shfuqizohet.
2. Në pikën 2 togfjalëshi “autoriteti qendror përgjegjës për kufirin dhe migracionin” zëvendësohet nga togfjalëshi “autoriteti shtetëror qendror përgjegjës për përcaktimin e statusit të pashtetësisë”.

Neni 5

Në nenin 13, në pikën 2, togfjalëshi “autoritetet rajonale” zëvendësohet nga “autoriteti vendor”.

Neni 6

Në nenin 18 bëhen këto shtesa dhe ndryshime:

1. Pika 1 ndryshon si vijon: “1. I Huaji i cili aplikon për vizë, vërteton që ka të ardhura të mjaftueshme financiare nëpërmjet një dokumenti bankar.”;
2. Në pikën 2, fjala “depozitohet” zëvendësohet me fjalën “vërtetohet”;
3. Në pikën 4, fjalët “e depozitimit dhe kthimit të garancisë financiare” shfuqizohen.

Neni 7

Në titullin e seksionit 1, pas termit “vizave” shtohet togfjalëshi “dhe afatet”.

Neni 8

Në nenin 19 bëhen këto shtesa dhe ndryshime:

1. Titulli i nenit 19 “Vizë e tipit “A”” zëvendësohet nga “Llojet e vizave”;
2. Në nenin 19, pas pikës 3, shtohet pika 4 me këtë përmbajtje: “4. Periudha e vlefshmërisë së vizës “A” do të përfshijë një “periudhë përjashtimi” nga penaliteti për tejkalim qëndrimi deri në 15 ditë kalendarike. Autoriteti përgjegjës për kufirin dhe migracionin mund të mos pranojë “periudhën e përjashtimit” nga ky penalitet për arsye të sigurisë publike, mos justifikimit të tejkalimit të afatit të qëndrimit ose për shkak të marrëdhënieve ndërkombëtare.”;
3. Pika 4 bëhet pika 5.

Neni 9

Në nenin 20 bëhen këto shtesa dhe ndryshime:

1. Në pikën 1, pas fjalëve “180 ditëve” shtohet fjala “kalendarike”;
2. Në gërmën “b” të pikës 3, pas fjalëve “180 ditëve” shtohet fjala “kalendarike”;
3. Pas pikës 5, shtohen pikat 6 dhe 7, me këtë përmbajtje:

“6. Periudha e vlefshmërisë së vizës për një hyrje përfshin një “periudhë përjashtimi” nga penaliteti për tejkalim qëndrimi prej 15 ditësh kalendarike. Autoriteti përgjegjës për kufirin dhe migracionin mund të mos pranojë “periudhën e përjashtimit” nga ky penalitet për arsye të sigurisë publike, mos justifikimit të tejkalimit të afatit të qëndrimit ose për shkak të marrëdhënieve ndërkombëtare.

7. Vizat C me shumë hyrje me një vlefshmëri të gjatë do të lëshohen për periudhat e mëposhtme, përveç rasteve kur vlefshmëria e vizës do të tejkalojë atë të dokumentit të udhëtimit:

- a) për një periudhë vlefshmërie prej një viti, me kusht që aplikanti të ketë marrë dhe përdorur në mënyrë të ligjshme tre viza brenda dy viteve të mëparshme;
- b) për një periudhë vlefshmërie prej dy vjetësh, me kusht që aplikanti të ketë marrë dhe përdorur ligjërisht një vizë të mëparshme me shumë hyrje të vlefshme për një vit brenda dy viteve të mëparshme;
- c) për një periudhë vlefshmërie prej pesë vjetësh, me kusht që aplikanti të ketë marrë dhe përdorur në mënyrë të ligjshme një vizë të mëparshme me shumë hyrje të vlefshme për dy vjet brenda tre viteve të mëparshme.”

4. Kudo në këtë nen fjala “transit” zëvendësohet me fjalën “tranzit”.

Neni 10

Në nenin 21 në pikat 1 dhe 2, pas fjalëve “me leje qëndrimi” shtohen fjalët “leje unike”.

Neni 11

Neni 23 ndryshon si më poshtë:

“Neni 23

1. Aplikimi për vizë nga i huaji bëhet jo më shumë se 90 ditë përpara datës së planifikuar për të ardhur në Republikën e Shqipërisë, nëpërmjet sistemit elektronik të vizave.
2. Aplikimi për të miturit bëhet nga një/dy prej prindërve ose nga personi që e ka në ngarkim ose në kujdestari ligjore të miturit.
3. Të miturit pajisen me vizë në pasaportën personale të tyre. Të miturit, të cilit për arsye të ndryshme ligjore, në vendin e tij të origjinës, nuk i mundësohet pajisja e tij me pasaportë, viza i shënohet në vizën e prindit ose të kujdestarit ligjor, në pasaportën e të cilit i/të mituri/t është regjistruar.
4. I huaji aplikon online në sistemin elektronik të vizave duke qenë jashtë territorit të Republikës së Shqipërisë ose paraqitet personalisht në përfaqësinë diplomatike ose konsullore në raste përjashtimore.
5. Një vizë mund të lëshohet nëse dokumenti i udhëtimit të të huajit:
 - a) është i vlefshëm për të paktën tre muaj pas datës së parashikuar për largim nga Shqipëria ose, në rast të hyrjeve të shumta, pas datës së fundit të parashikuar për largimin nga Shqipëria;
 - b) përmban së paku dy faqe bosh;
 - c) është lëshuar brenda dhjetëvjeçarit të fundit.”

Neni 12

Në nenin 27, pika 5, ndryshon si vijon: “5. Akti administrativ për anulimin e vizës pullë dhe elektronike, si dhe arsyet e nxjerrjes së këtij akti i njoftohen të huajit nëpërmjet sistemit elektronik të vizës ose nëpërmjet komunikimit elektronik nga përfaqësia diplomatike/konsullore e cila ka lëshuar vizën pullë ose elektronike. Kundër aktit administrativ për anulimin e vizës pullë dhe elektronike i huaji ka të drejtën të ankohet në rrugë administrative brenda 5 ditësh pune në ministrinë përgjegjëse për punët e jashtme.”

Neni 13

Në nenin 28, bëhen këto shtesa:

1. Në pikën 1, shtohet gërma “f” me këtë përmbajtje: “f) paraqet dokumente të vendit të origjinës apo rezidencës të falsifikuar.”;
2. Në fund të paragrafit 2, shtohen fjalët: “...nëpërmjet sistemit elektronik të vizës.”;
3. Pika 4, riformulohet si vijon: “4. Pas refuzimit të vizës pullë dhe elektronike, i huaji ka të drejtë të riaplikojë vetëm pasi të ketë mbyllur procedurat e ankimit dhe të jetë vlerësuar pozitivisht. Në rast se vlerësimi është negativ, ka të drejtë riaplikimi pasi të kenë kaluar tre muaj nga data e marrjes së vendimit për refuzim.”.

Neni 14

Në nenin 33, bëhen këto shtesa dhe ndryshime:

1. Pika 1, ndryshon si vijon: “1. I huaji, i pajisur me vize të tipit D si dhe i huaji i cili nuk ka nevojë për vizë me motiv qëndrimi aplikojnë online për leje qëndrimi.”;
2. Në pikën 4, pas fjalës “...Shqipërisë...” shtohen fjalët “ose me qëndrim të njëanshëm të shprehur me vendim të Këshillit të Ministrave...”;
3. Në pikën 5, fjalët “...të vendeve anëtare të Bashkimit Evropian...” shfuqizohen.

Neni 15

Pas nenit 33, shtohet neni 33/1 me këtë përmbajtje:

“Neni 33/1

Mbi të drejtën e shtetasve të vendeve të Bashkimit Evropian dhe anëtarëve të familjeve të tyre për të lëvizur dhe banuar lirisht brenda territorit të Republikës së Shqipërisë

1. Shtetasit e vendeve të Bashkimit Evropian kanë të drejtën e qëndrimit në territorin e RSH, pa leje qëndrimi apo leje unike, për periudha qëndrimi më të gjata se tre muaj, nëse ata:
 - (a) janë punëmarrës ose persona të vetëpunësuar; ose
 - (b) kanë burime të mjaftueshme për veten dhe anëtarët e familjes së tyre që të mos bëhen barrë për sistemin e ndihmës sociale, gjatë periudhës së qëndrimit të tyre dhe kanë policë të sigurimit shëndetësor në RSH; ose
 - (c) janë regjistruar në një institucion privat ose publik, të akredituar ose financuar nga RSH, me qëllimin kryesor të ndjekjes së një kursi studimi, duke përfshirë trajnimin profesional dhe janë të pajisur me policë të sigurimit shëndetësor. Kur garantojnë me anë të një deklaratë ose me mjete të tilla ekuivalente, se kanë burime të mjaftueshme për veten dhe anëtarët e familjes së tyre që të mos bëhen barrë për sistemin e ndihmës sociale të RSH gjatë periudhës së qëndrimit të tyre; ose
 - (d) janë anëtarë të familjes, përfshirë rastet kur nuk janë shtetas të Bashkimit Evropian, që shoqërojnë ose bashkohen me një shtetas të Bashkimit Evropian, që plotëson kushtet e përmendura në pikat (a), (b) ose (c).
2. Kur anëtarët e familjes së një shtetasi të Bashkimit Evropian, nuk janë shtetas të Bashkimit Evropian, pajisen me “Kartëqëndrimi i një anëtari të familjes së një shtetasi të BE-së”.
3. Karta e qëndrimit do të jetë e vlefshme për pesë vjet nga data e lëshimit ose për periudhën e parashikuar të qëndrimit të shtetasit të Bashkimit Evropian, nëse kjo periudhë është më pak se pesë vjet.

4. Shtetasit e vendeve të Bashkimit Evropian, për periudha qëndrimi më të gjata se tre muaj, kanë detyrimin të regjistrohen pranë zyrës së gjendjes civile, në territorin e së cilës kanë vendqëndrimin, jo më vonë se tre muaj nga data e mbërritjes. Zyra e gjendjes civile i pajisë ata me një certifikatë regjistrimi.
5. Shtetasit e vendeve të Bashkimit Evropian, që kanë banuar ligjërisht për një periudhë të vazhdueshme prej pesë vjetësh në RSH kanë të drejtën e qëndrimit të përhershëm.
6. E drejta e qëndrimit të përhershëm gëzohet përpara përfundimit të një periudhe të vazhdueshme prej pesë vitesh qëndrimi, për këto kategori:
 - (a) punëmarrësit ose personat e vetëpunësuar, të cilët, në momentin që pushojnë së punuari, kanë mbushur moshën e përcaktuar për të drejtën e pensionit të pleqërisë ose punëtorët që pushojnë së punuari me pagesë për të marrë pension të parakohshëm, me kusht që të kenë punuar në RSH për të paktën dymbëdhjetë muajt e mëparshëm dhe banuar në RSH vazhdimisht për më shumë se tre vjet.
 - (b) punëmarrësit ose personat e vetëpunësuar që kanë banuar vazhdimisht në RSH për më shumë se dy vjet dhe pushojnë së punuari, për shkak të paaftësisë së përhershme për të punuar. Nëse kjo paaftësi është rezultat i një aksidenti në punë ose i një sëmundjeje profesionale që i jep të drejtën personit të interesuar për një përfitim të pagueshëm plotësisht ose pjesërisht nga një institucion në RSH, nuk do të vendoset asnjë kusht për sa i përket kohëzgjatjes së qëndrimit;
 - (c) punëmarrësit ose personat e vetëpunësuar, të cilët, pas tre vjetësh punësimi dhe qëndrimi të vazhdueshëm në RSH, punojnë si të punësuar ose të vetëpunësuar në një shtet të BE-së, duke ruajtur vendbanimin e tyre në RSH, në të cilin ata kthehen, si rregull, çdo ditë ose të paktën një herë në javë. Për qëllimet e të drejtës për të drejtat e përmendura në pikat (a) dhe (b), periudhat e punësimit të kaluara në Shtetin e BE-së, në të cilin punon personi në fjalë do të konsiderohen se janë shpenzuar në RSH.
7. Periudhat e papunësisë së pavullnetshme, të regjistruara siç duhet nga zyra përkatëse e punësimit, periudhat e papunësisë për arsye jo të vetë personit dhe mungesat nga puna ose ndërprerja e punës për shkak të sëmundjes ose aksidentit do të konsiderohen si periudha punësimi.
8. Kërkesa për “Kartëqëndrimi i një anëtarit të familjes së një shtetasi të BE-së” bëhet nga i huaji sipas kriterëve dhe dokumentacionit të miratuar me vendim të Këshillit të Ministrave.
9. Format i “Kartëqëndrimi i një anëtarit të familjes së një shtetasi të BE-së” miratohet me vendim të Këshillit të Ministrave.

Neni 16

Në nenin 39, bëhen këto shtesa dhe ndryshime:

1. Nëngërma xi, e gërmës “gj”, shfuqizohet;

2. Në gërmën “gj”, shtohet nënkategoria xiii me këtë përmbajtje: “xiii) leje unike për punëtor shtëpie.”
3. Shtohet gërma “k” me këtë përmbajtje: “k) leje qëndrimi për investitor”.

Neni 17

Në nenin 41, bëhen këto shtesa dhe ndryshime:

1. Pas pikës 2, shtohet pika 3 me këtë përmbajtje: “3. Leja e qëndrimit për anëtarët e familjes së të huajit të pajisur me kartë blu AL, lëshohet për herë të parë për një periudhë vlefshmërie të njëjtë me afatin e kartës blu.”;
2. Pikat 3, 4, 5, 6 dhe 7, bëhen pikat 4, 5, 6, 7 dhe 8.

Neni 18

Në nenin 42, bëhen këto shtesa dhe ndryshime:

1. Shtohet pika 2, me këtë përmbajtje: “2. Anëtarët e familjes së të huajit të pajisur me kartë blu AL, pasi kanë qëndruar në mënyrë të vazhdueshme së paku 2 vjet në territorin e Republikës së Shqipërisë me leje qëndrimi për bashkim familjar dhe me kusht që të mos kenë marrë leje qëndrimi për arsye të ndryshme nga ajo e bashkimit familjar, gjatë kësaj periudhe qëndrimi gëzojnë të drejtën e përfitimit të lejes së qëndrimit autonome.”
2. Pikat 2, 3 dhe 4, bëhen pikat 3, 4 dhe 5;
3. Fjala e dytë e pikës 3, riformulohet si vijon: “Përrjashtimisht, kur zgjidhja e marrëdhënies familjare me bashkëshortin/ bashkëjetuesin bëhet për shkak të dhunës në familje, që janë të pajisur me një urdhër mbrojtje ose formave të tjera të dhunës me bazë gjinore, viktimave u jepet, me kërkesë të këtyre të fundit, një leje qëndrimi autonome, pavarësisht nga kohëzgjatja e martesës ose marrëdhënies.”.

Neni 19

Neni 46, ndryshon si më poshtë:

“Neni 46

Leja e qëndrimit për studentë

1. I huaji, i cili ka hyrë dhe qëndron në Republikën e Shqipërisë për qëllime studimi pranë një institucioni arsimor publik apo privat të njohur nga shteti shqiptar, ka të drejtë të aplikojë për leje qëndrimi sipas kritereve të përgjithshme të përcaktuara në nenet 36 dhe 37 të këtij ligji.
2. I huaji, i pranuar në një institucion arsimor ose që merr pjesë në trajnime ose praktika profesionale, pajiset me leje qëndrimi, me afat jo më shumë se një vit kur lëshohet për herë të parë dhe mund të shtyhet çdo herë me një vit deri në përfundimin e shkollës, të

studimeve ose të kursit. Në rast se kohëzgjatja e kursit është më pak se një vit, afati i lejes së qëndrimit është i barabartë me kohëzgjatjen e kursit.

3. Kohëzgjatja e lejes së qëndrimit për studentët që mbulohen nga programet e Bashkimit Evropian ose ato shumëpalëshe, që përfshijnë masa lëvizshmërie ose nga një marrëveshje ndërmjet dy ose më shumë institucioneve të arsimit të lartë do të lëshohet për një afat deri në dy vjet, ose për kohëzgjatjen e studimeve, kur kjo është më e shkurtër se dy vjet. Leja ripërtërihet me të njëjtin afat pa tejkaluar kohëzgjatjen e kursit.
4. I huaji duhet të provojë se është pranuar nga institucioni arsimor, se ka njohuri të mjaftueshme të gjuhës së kursit që duhet ndjekur, si dhe disponon mjete financiare të mjaftueshme për jetesën në Republikën e Shqipërisë gjatë studimeve. Për ripërtëritjen e lejes së qëndrimit, përveç të tjerash, i huaji duhet të provojë mbi progresin e bërë në drejtim të studimeve, sipas legjislacionit në fuqi.
5. I huaji, i pajisur me leje qëndrimi si student, pas vitit të parë të studimeve, jashtë kohës së tij të studimit, ka të drejtë të punojë, duke respektuar limitin maksimal 15 orë në javë, ose ekuivalenti me ditë ose muaj në vit, pa miratimin e Agjencisë Kombëtare të Punësimit dhe Aftësive. Punëdhënësi i tij njofton autoritetet shtetërore përgjegjëse për punësimin, për fillimin dhe përfundimin e punësimit.
6. Gjatë periudhës së studimeve, leja e qëndrimit për studentin nuk mund të zëvendësohet në leje qëndrimi për motiv punësimi. Pas përfundimit të studimeve, i huaji, nëse plotëson kushtet për punësim sipas kriterëve të këtij ligji, mund të aplikojë për leje unike.”

Neni 20

Pas nenit 46, shtohet neni 46/1, me këtë përmbajtje:

“Neni 46/1

Leja e qëndrimit për nxënësit e shkollës

1. I huaji, i cili ka hyrë dhe qëndron në Republikën e Shqipërisë, në kuadër të një skeme shkëmbimi nxënësish ose një projekti arsimor, për të ndjekur një program të njohur shtetëror ose rajonal, të arsimit të mesëm ekuivalent me nivelin 2 ose 3 të Klasifikimit Standard Ndërkombëtar të Arsimit, apo në kontekstin e një skeme shkëmbimi nxënësish ose projekti arsimor të drejtuar nga një institucion arsimor në përputhje me ligjin kombëtar, ka të drejtë të aplikojë për leje qëndrimi, sipas kriterëve të përgjithshme të përcaktuara në nenet 36 dhe 37 të këtij ligji.
2. Periudha e vlefshmërisë së lejes së qëndrimit, lëshuar për herë të parë, për nxënësit e shkollës është sa kohëzgjatja e skemës së shkëmbimit të nxënësve ose të projektit arsimor, kur kjo është më e shkurtër se një vit, ose maksimumi një vit.
3. Leja e qëndrimit ripërtërihet vetëm një herë, për periudhën e nevojshme për të përfunduar skemën e shkëmbimit të nxënësve ose projektin arsimor.
4. I huaji duhet të provojë se nuk është as nën minimumin dhe as mbi moshën ose klasën maksimale të përcaktuar nga legjislacioni shqiptar, si dhe të jetë pranuar nga një

institucion arsimor, të jetë pjesë e një programi arsimor të njohur, shtetëror ose rajonal në kontekstin e një skeme të shkëmbimit të nxënësve ose projekti arsimor të zhvilluar nga një institucion arsimor, në përputhje me ligjin kombëtar.

5. I huaji duhet të provojë që institucioni arsimor pranon përgjegjësinë për të huajin gjatë gjithë qëndrimit në territorin e RSH për sa i përket kostove të studimit, si dhe që do të akomodohet në përputhje me standartet kombëtare.”

Neni 21

Në nenin 48, pikat 3, 4 dhe 5, shfuqizohen.

Neni 22

Neni 50, ndryshon si vijon:

“Neni 50

Leja e qëndrimit për kërkim shkencor

1. Autoriteti përgjegjës për kufirin dhe migracionin pajis me “leje qëndrimi për kërkim shkencor”, me afat jo më shumë se 1 vit, të huajin, i cili ka lidhur një marrëveshje me një institucion shqiptar për këtë qëllim dhe plotëson kushtet e përgjithshme për pajisje me leje qëndrimi, sipas nenit 36 të këtij ligji.
2. Kohëzgjatja e lejes së qëndrimit për kërkuesit shkencorë që mbulohen nga programet e Bashkimit Evropian, ose ato shumëpalëshe, që përfshijnë masa lëvizshmërie do të lëshohet me afat deri në dy vjet, ose për kohëzgjatjen e marrëveshjes së pritjes, kur ajo është më e shkurtër se dy vjet.
3. Leja e qëndrimit për kërkuesit shkencorë rinovohet me të njëjtin afat të lejes së parë nëse plotësohen kushtet e përcaktuara në këtë ligj.
4. Kërkuesit shkencorë, përveç aktiviteteve kërkimore, kanë të drejtë të japin mësim në përputhje me legjislacionin kombëtar, pa kaluar numrin maksimal të lejuar të orëve ose ditëve për veprimtarinë e mësimdhënies.”

Neni 23

Në nenin 51, bëhen këto ndryshime:

1. Paragrafi i dytë i pikës 3, dhe pika 4 shfuqizohen;
2. Në pikën 5, fjala “...shans...” zëvendësohet me fjalën “...mundësi...”.

Neni 24

Në nenin 53, pikat 5 dhe 7, ndryshojnë si më poshtë:

“ 5. Gjatë periudhës së rehabilitimit dhe reflektimit, viktimat ose viktimat e mundshme të trafikimit gëzojnë të gjitha të drejtat dhe shërbimet sipas legjislacionit shqiptar në fuqi.

7.I huaji me statusin e viktimës apo viktimës së mundshme të trafikimit, ka të drejtën e punësimit pa marrë më parë miratim nga AKPA.

Neni 25

Në nenin 54, pika 1, riformulohet si vijon: “1. Kërkesa për të vërtetuar nëse aplikanti është person pa shtetësi i paraqitet autoritetit përgjegjës për shtetësinë, azilin dhe të huajt në ministrinë përgjegjëse për rendin dhe sigurinë publike.”

Neni 26

Në nenin 56, pikat 3, 4 dhe 6, ndryshojnë si më poshtë:

1. Shtohet pika 2 me këtë përmbajtje: “Lidhja e marrëveshjeve për bashkëpunim bilateral mbi migracionin e punës është në kompetencë të Ministrisë që mbulon çështjet e Migracionit të punës.
2. Pikat 2, 3, 4, 5, 6 dhe 7, bëhen 3, 4, 5, 6, 7 dhe 8.
3. Pikat 4, 5, dhe 7, ndryshojnë si vijon:

“4. Kërkesa për leje unike qëndrimi për një të huaj mund të bëhet nga vetë i huaji, nga punëdhënësi, agjensia private e punësimit ose nga personi i autorizuar..

5. Shqyrtimi i kërkesës dhe lëshimi i lejes unike të qëndrimit, kur plotësohen kriteret e kërkuara nga legjislacioni në fuqi, bëhet brenda 4 javësh nga dita e aplikimit.

7. Kur punëdhënësi deklaron fillimin e marrëdhënies së punësimit për një të huaj në sistemin tatimor, autoriteti përgjegjës vendor për kufirin dhe migracionin dhe autoriteti përgjegjës për punësimin dhe aftësitë merr njoftim automatikisht nga sistemi tatimor.”

Neni 27

Në nenin 58,

1. Pika 3, shfuqizohet;
2. Pika 4, ndryshon si vijon: “4. Pas vitit të parë të punës, punëdhënësi ka të drejtë të bëjë kërkesë për të njëjtin të huaj me kusht që periudha e shkëputjes të jetë 6 muaj.”;
3. Në pikën 6, fjalët “...vendeve të Bashkimit Evropian...” shfuqizohen.

Neni 28

Në nenin 65, bëhen këto shtesa dhe ndryshime:

1. Shtohen pikat 3 dhe 4 me këtë përmbajtje:

“3. I huaji pajiset me leje unike “Kartë blu AL” nëse në kontratën e punës përcaktohet se paga mesatare vjetore bruto është minimalisht 1,0 herë paga mesatare vjetore bruto kombëtare.

4. Lista e profesioneve për të cilat nuk aplikohet pika 3 e këtij neni përcaktohet me udhëzim të ministrit përgjegjës për çështjet e punësimit dhe ministrit përgjegjës për financat.”

2. Pika 3, përhet pika 5.

Neni 29

Në nenin 68,

1. Gërma “d”, ndryshon si vijon: “d) zotëron një certifikatë/dëshmi penaliteti nga vendi i tij i origjinës dhe në vendin ku është rezident.”;

2. Shtohet gërma “e” me këtë përmbajtje: “e) Autoriteti përgjegjës për kufirin dhe migracionin, verifikon dokumentacionin e vlefshëm nëse i përmbush kriteret ligjore, për të hyrë dhe qëndruar në RSH, duke marrë parasysh vetëdeklarimin për këtë kategori dhe dokumentacioni origjinal përkatës dorëzohet pas miratimit të lejes unike të qëndrimit.”.

Neni 30

Neni 69, ndryshon dhe bëhet:

“Neni 69

Punëtor Shtëpie

1. Leja unike si punonjës shtëpie për një shtetas të huaj jepet në rast se shtetasi i huaj plotëson kriteret për qëndrimin e përkohshëm, kriteret e posaçme, të përcaktuara me vendim të Këshillit të Ministrave, në zbatim të këtij ligji dhe pas miratimit të Agjencisë Kombëtare të Punësimit dhe Aftësive.

2. Punëdhënësi duhet të jetë i regjistruar në organet tatimore.

3. Leja unike si punonjës shtëpie jepet për kohëzgjatjen e kontratës/ofertës së punës, përveç rasteve kur parashikohet ndryshe në këtë ligj.”

Neni 31

Në nenin 72, pas gërmës “e”, fjalia “Në këtë rast, punëdhënësi informon brenda 2 javëve autoritetet përgjegjëse ku i huaji është pajisur me lejen unike.” zëvendësohet me fjalinë “Në këtë rast, punëdhënësi informon brenda 2 javëve autoritetet përgjegjëse ku i huaji është pajisur me lejen unike. Në rastet kur është i huaji deklaruar si punonjës përmes sistemit tatimor, njoftimi për autoritetin përgjegjës vendor për kufirin dhe migracionin dhe autoritetin përgjegjës për

punësimin dhe aftësitë, bëhet automatikisht nga sistemi tatimor ku punëdhënësi deklaron shkëputjen e marrëdhënies së punës.” .

Neni 32

Në nenin 74, ndryshon si më poshtë:

“Neni 74

Miratimi i punësimit të një të huaji

1. Leja unike për të huajin, lëshohet duke mbajtur parasysh zhvillimet dhe nevojat e tregut të punës në Republikën e Shqipërisë.
2. Aplikimi për leje unike bëhet online dhe shqyrtohet nga AKPA dhe Autoriteti Vendor për kufirin dhe migracionin.
3. Autoritetet e kufirit dhe migracionit lëshojnë lejen unike pasi është marrë miratimi i Agjencisë Kombëtare të Punësimit dhe Aftësive, përveç rasteve kur parashikohet ndryshe nga ky ligj, marrëveshje ndërqeveritare ose me vendim të Këshillit të Ministrave.
4. Kategoritë që përjashtohen nga detyrimi për të marrë miratimin e Agjencisë Kombëtare të Punësimit dhe Aftësive sipas këtij neni janë:
 - a) I huaji, anëtar familjeje i një shtetasi të huaj me qëndrim të ligjshëm në Republikën e Shqipërisë, studentët, i huaji që sipas neneve të posaçme të këtij ligji përjashtohet nga detyrimi për miratim për punësim, të vetëpunësuarit, investitorët, au pairs, i huaji me statusin e viktimës së mundshme apo viktimes së trafikimit, refugjatët, i huaji me mbrojtje të përkohshme dhe i huaji me statusin e mbrojtjes plotësuese.
 - b) Kategoritë që marrin miratim nga Agjencia Kombëtare e Punësimit dhe Aftësive, për sa kohë që nuk parashikohet ndryshe në marrëveshje ndërshtetërore apo akte të tjera ligjore, janë punëmarrësit, punonjësit stinorë, të transferuar brenda ndërmarrjes, punonjësit me kualifikim të lartë, sportistët, shërbimet kontraktuale, vullnetarët, punonjësit ndërkufitar, për formim profesional, si dhe punëtor shtëpie.
5. Agjencia Kombëtare e Punësimit dhe Aftësive jep miratimin e saj nëse:
 - a) Nga shqyrtimi i informacionit lidhur me pagat, orët e punës dhe kushtet e tjera të punësimit, ato janë në përputhje me legjislacionin shqiptar të punës;
 - b) plotësohen kërkesat e neneve të posaçme që lidhen me punësimin;
 - c) asnjë punonjës nga kategoritë e përcaktuara në pikën 4, të këtij neni nuk është i disponueshëm për atë vend pune.
6. Miratimi për punësim për të huajin e transferuar brenda ndërmarrjes, për punonjës me kualifikim të lartë, punonjës për shërbime kontraktuale dhe sportistë jepet vetëm për plotësimin e kriterëve të vendosura në shkronjat “a” dhe “b” të pikës 5 të këtij neni.

7. Agjencia Kombëtare e Punësimit dhe Aftësive, përpara miratimit të kërkesës për punësimin e një të huaji, konfirmon nëse për vendet e lira të punës që kërkohet miratim për punësim punëdhënësi ka arritur të ndërmjetësojë kandidatë të përshtatshëm, sipas profilit të kërkuar, që kanë aplikuar online, me qëndrim të ligjshëm në Shqipëri si më poshtë:
- a) punëkërkues shqiptarë;
 - b) të huaj, anëtarë të familjes së shtetasve shqiptarë;
 - c) shtetas të Shteteve të Bashkuara të Amerikës, të vendeve anëtare të Bashkimit Evropian dhe të zonës Shengen dhe anëtarët e familjes së tyre, që nuk janë shtetas të këtyre vendeve dhe janë me qëndrim të ligjshëm në Republikën e Shqipërisë,
 - ç) shtetas të vendeve të Ballkanit Perëndimor, Bosnjë-Hercegovinës, Malit të Zi, Kosovës, Serbisë dhe Maqedonisë së Veriut;
 - d) anëtarë të familjes së të huajit me qëndrim të ligjshëm në Republikën e Shqipërisë;
 - dh) shtetas të vendeve me të cilat Republika e Shqipërisë ka nënshkruar marrëveshje punësimi dy apo shumëpalëshe;
 - e) të huaj që gëzojnë përparësi për përfshirje në tregun shqiptar të punës, sipas dispozitave të këtij ligji.
8. Kërkesa për plotësimin e një vendi të lirë pune qëndron publike në portalin e shërbimeve të punësimit nga punëdhënësi për një periudhë kohore jo më pak se 5 (pesë) ditë kalendarike, përjashtuar rastet e rinovimit.
9. Për të marrë miratimin për punësim punëdhënësi nëse i kërkohet dërgon informacion shtesë për pagën, orët e punës, kriteret dhe kushtet e tjera të punësimit në Agjencinë Kombëtare të Punësimit dhe Aftësive dhe strukturat në varësi të saj. Informacioni i vihet në dispozicion strukturave përgjegjëse brenda një periudhe 1- javore nga data e kërkesës.
10. Për çdo kërkesë për miratim për punësim, punëdhënësi duhet të ketë shpallur në sistemin online vendet e lira të punës sipas profileve të kandidatëve që i nevojiten jo më vonë se tre muaj (90 ditë) nga data e paraqitjes së kërkesës për miratim punësimi për pozicionin e punës së shpallur, përjashtuar rastet e rinovimit.
11. Bashkëpunimi ndërinstitucional për zbatimin e këtij neni përcaktohet me udhëzim të përbashkët të ministrit përgjegjës për rendin e sigurinë publike dhe ministrit përgjegjës për ekonominë.”

Neni 33

Neni 75, ndryshon si më poshtë:

Neni 75

Refuzimi i miratimit të Agjencisë Kombëtare për Punësim dhe Aftësi për punësimin e një të huaji

Agjencia Kombëtare e Punësimit dhe Aftësive refuzon të japë miratimin për punësimin e një të huaji kur:

- a) marrëdhëniet dhe kushtet e shprehura në kontratë nuk përmbushin kërkesat e legjislacionit shqiptar dhe të konventave ndërkombëtare për kushtet e punës e të punësimit;
- b) dokumentat e kërkuara nuk janë të plota apo nuk janë paraqitur elektronikisht brenda afatit 1-javor, nga momenti i kërkesës;
- c) punëdhënësi nuk kryen regjistrimin e biznesit pranë AKPA dhe nuk bën publike vendet e lira të punës.
- d) pagat e marra nga punëtorët kanë qenë nën nivelin e përcaktuar nga marrëveshjet kolektive;
- e) “punëdhënësi apo punëmarrësi i huaj nuk ka shlyer principalin për detyrimet e kontributeve të sigurimeve shoqërore”;
- f) punëdhënësi ose entiteti pritës është prekur nga procedura e falimentimit;
- g) ka arsye të besueshme se i huaji përbën rrezik për rendin, sigurinë dhe shëndetin publik në Republikën e Shqipërisë, me përjashtim të rasteve kur gjendja shëndetësore e të huajit nuk ka ndikim në punën për të cilën ai rekrutohet.

Neni 34

Në nenin 77,

1. Titulli ndryshon dhe bëhet: “Përparësi në miratimin e punësimit”;
2. Gërma “a” ndryshon si vijon: “a) është bashkëshort/e/i një shtetasi/e shqiptar/e;”.

Neni 35

Nenet 78 dhe 79 shfuqizohen.

Neni 36

Në nenin 80, gërmat “a” dhe “ç” ndryshojnë si më poshtë:

“a) shtetas të Shteteve të Bashkuara të Amerikës, anëtarët e familjes së shtetasve të SHBAve, shtetas të vendeve anëtare të Bashkimit Europian dhe të zonës Shengen dhe anëtarët e familjeve të tyre, që nuk janë shtetas të këtyre vendeve dhe që janë me qëndrim të ligjshëm në Republikën e Shqipërisë, shtetasit e njërit prej vendeve të Ballkanit Perëndimor, Bosnjë-Hercegovinës, Malit të Zi, Kosovës, Serbisë dhe Maqedonisë së

Veriut, që janë me qëndrim të ligjshëm në territorin e Republikës së Shqipërisë, të cilët gëzojnë të drejtën e punësimit sikurse edhe shtetasit shqiptarë, përjashtuar rastet kur punësimi lidhet posaçërisht me pasjen e shtetësisë shqiptare sipas legjislacionit shqiptar. Deklarimi për punësimin e tyre bëhet online nëpërmjet portalit e-albania në seksionin aplikim për leje unike.”;

ç) shtetasit e huaj të cilët punësohen në sektorë të ndryshëm, sipas nevojave me qëllim rregullimin e pasojave dhe rimëkëmbjen nga fatkeqësi natyrore deklarohen online nga punëdhënësi nëpërmjet portalit e-albania.”.

Neni 37

Në nenin 81, fjalia e parë e pikës 3, ndryshon si vijon: “3. Pajisen me leje unike për kategori të veçanta, për një qëndrim më shumë se 90 ditë, por jo më shumë se 5 vjet, në përputhje me afatin e ushtrimit të aktivitetit të përcaktuar në kontratën e punës, projektin përkatës apo në marrëveshje, të huajt:...”.

Neni 38

Në nenin 82, pika 2, ndryshon si vijon:

“2. I huaji i pajisur me leje unike është i detyruar të njoftojë autoritetet përgjegjëse për çdo ndryshim të kushteve mbi të cilat është lëshuar leja unike dhe të kërkojë miratimin nga autoriteti përgjegjës për punësimin dhe aftësitë dhe autoriteti vendor për kufirin dhe migracionin, në rast se ndryshimi lidhet me:

- a) emrin dhe adresën e punëdhënësit;
- b) kontratën e vlefshme të punës që mbulon kohën për të cilën është lëshuar leja unike;
- c) aktivitetet e autorizuara si person i punësuar.”.

Neni 39

Në nenin 85, gërmat “a”, “b”, “c”, “ç”, “d” dhe “dh”, të pikës 2, shfuqizohen.

Neni 40

Shtohet neni 85/1, me këtë përmbajtje:

“Neni 85/1

Leja qendrimi për investitorë

1. I huaji pajiset me leje qëndrimi si investitor me një afat kohor dyvjeçar kur:
 - a) bën një investim;

- b) raporti i të punësuarve në aktivitetin ekonomik të jetë për çdo të huaj pesë shtetas shqiptarë dhe ky raport të ruhet edhe në bordin drejtues dhe organet e tjera drejtuese ose kontrolluese;
 - c) paga e tyre të jetë të paktën sa mesatarja e pagës së paguar në Republikën e Shqipërisë për këto poste të vitit pararendës;
 - ç) subjekti të zotërojë dokumente të rregullta, me të cilat të provojë se aktiviteti i tij nuk është me humbje, dhe dokumente të rregullta të regjistrimit dhe shlyerjes së detyrimeve në organet tatimore.
2. Vlerësimi i plotësimit të kushteve të pikës 1 të këtij neni bëhet në institucionet kompetente, përfshirë ato të vendndodhjes së investimit të planifikuar. Ngritja, përbërja dhe funksionimi i komisionit vlerësues bëhen me urdhër të ministrit përgjegjës.
 3. Leja unike si investitor jepet pas vlerësimit të kushteve të përmendura në pikën 1 nga komisioni i vlerësimit dhe është e ripërtëritshme me afat kohor trevjeçar nëse nuk kanë ndryshuar kushtet për të cilat është dhënë leja unike e mëparshme.
 4. I huaji pajiset me leje të përhershme qëndrimi pas përfundimit të afatit të vlefshmërisë së lejes së dytë me afat trevjeçar nëse nuk kanë ndryshuar kushtet për të cilat është lëshuar leja e fundit e qëndrimit.
 5. Në rastet kur investitori i huaj nuk i plotëson kriteret e përcaktuara në nenin për lejet e përhershme të qëndrimit dhe nëse nuk kanë ndryshuar kushtet e punës për të cilat është lëshuar leja e fundit e punës, i huaji pajiset me leje unike me afat dyvjeçar, e ripërtëritshme me afat trevjeçar.
 6. Vlera e investimit përcaktohet me udhëzim të përbashkët të ministrit përgjegjës për çështjet e rendit dhe sigurisë publike dhe ministrit përgjegjës për financat dhe ekonominë.”

Neni 41

Në nenin 86, pika 1, fjalët “...struktura përgjegjëse për të huajt...” zëvendësohet me fjalët “...autoriteti përgjegjës për çështjet e migracionit...”.

Neni 42

Në nenin 99, bëhen këto shtesa dhe ndryshime:

1. Titulli ndryshon dhe bëhet: “Urdhri i largimit dhe afati i ekzekutimit vullnetar”
2. Fjala e parë e pikës 7, riformulohet: “7. I huaji të cilit i është miratuar zgjatja e periudhës së ekzekutimit të urdhrin të largimit ka të drejtë:..”

Neni 43

Në nenin 101, bëhen këto shtesa dhe ndryshime:

1. Në pikën 2,

- Në gërmën “a” pas “...i cili ka...” shtohet “...hyrë apo ka...”;
 - Në gërmën “dh” fjala “azilkërkuesit” zëvendësohet me fjalën “azilkërkuesve”.
2. Pika 3, riformulohet: “3. Urdhri i largimit nuk ekzekutohet deri në përfundimin e procesit të ankimit dhe marrjes së një vendimi të formës së prerë nga gjykata, përveçse kur është përcaktuar ndryshe në këtë ligj.”.

Neni 44

Në nenin 102, bëhen këto shtesa dhe ndryshime:

1. Në pikën 1 shtohet gërma “dh” me këtë përmabjtje: “dh) është me qëndrim të ligjshëm, por ndaj tij është marrë një vendim dëbimi nga gjykata, si shtojcë e vendimit të dënimit për një vepër penale të kryer prej tij, ose për të cilin autoritetet shtetërore përgjegjëse për vlerësimin e cënimit të sigurisë publike dhe të sigurisë kombëtare vlerësojnë se qëndrimi i tij në territor për shkak të natyrës së veprës penale apo veprimtarisë së kundraligjshme që ka kryer, përbën rrezik për rendin publik dhe sigurinë kombëtare, edhe në rast se nuk ka vendim dëbimi nga gjykata.”;
2. Në pikën 6, fjalët “...autoriteti qendror...” zëvendësohen me fjalët “...autoriteti vendor...”;
3. Pika 8, shfuqizohet.

Neni 45

Neni 103, ndryshon si më poshtë:

“Neni 103

Ankimi kundër urdhrit të dëbimit

1. I huaji, subjekt i një urdhri dëbimi, ka të drejtën e ankimit administrativ dhe gjyqësor sipas legjisllacionit në fuqi.
2. Deri në përfundimin e procedurës së ankimit, i huaji është i detyruar të qëndrojë në kushtet e masave alternative të mbikëqyrjes ose i ndaluar në qendrën e mbyllur.”

Neni 46

Në nenin 105, bëhen këto shtesa dhe ndryshime:

1. Në pikën 2, pas fjalës “..të huajit...” shtohen fjalët “...kur ndodhet fizikisht në Republikën e Shqipërisë...”;
2. Shtohet pika 4, me këtë përmbajtje: “4. Nuk lëshohet urdhër dëbimi kur i huaji, subjekt i shpalljes “person i padëshiruar “ nuk ndodhet fizikisht në Republikën e Shqipërisë.”;

3. Pika 4 bëhet pika 5.

Neni 47

Titulli i nenit 106 ndryshon dhe bëhet: “Ekzekutimi i urdhrit të dëbimit”.

Neni 48

Në nenin 108, në fund të fjalisë, pas fjalës “...urdhrit” shtohet fjala “.../urdhrat.”.

Neni 49

Titulli i sesionit IV ndryshon dhe bëhet: “Masat e përkohshme dhe zëvendësimi i tyre”.

Neni 50

Në nenin 109, bëhet kjo shtesë dhe ndryshim:

1. Shtohet pika 4 me këtë përmbajtje: “4. Deklarimi i të huajit, subjekt dëbimi, për t’u larguar vullnetarisht nga Republika e Shqipërisë, mund të merret në konsideratë nga autoriteti përgjegjës vendor për kufirin dhe migracionin me qëllim zëvendësimin e masës nga “urdhër dëbimi” në “urdhër largimi”, përjashtuar rastet kur për interesa të rendit publik dhe sigurisë kombëtare ky deklarim nuk mund të merret në konsideratë. Në të gjitha rastet e trajtimit të kërkesave për zëvendësim të këtyre masave vihet në dijeni autoriteti qendror shtetëror përgjegjës për trajtimin e të huajve dhe kthimet.”
2. Pika 4 bëhet pika 5.

Neni 51

Në nenin 115, bëhen këto shtesa dhe ndryshime:

1. Kudo në këtë nen fjala “rajonal” zëvendësohet me fjalën “vendor”;
2. Pika 1, ndryshon si vijon: “1. Ndalimi në qendrën e mbyllur është masa e fundit administrative që merret dhe ekzekutohet nga autoriteti shtetëror përgjegjës në nivel vendor për trajtimin e të huajve ndaj të huajit për të cilin është nxjerrë një urdhër dëbimi apo një urdhër ndalimi, në bazë të vlerësimit rast pas rasti, kur janë ekzekutuar të gjitha masat e mundshme alternative, ose kur nga vlerësimi konsiderohet se këto masa nuk mund të zbatohen për të huajin subjekt i dëbimit apo, ose për të huajin e ripranuar nga vende të tjera, në bazë të marrëveshjeve të ripranimit në fuqi në Republikën e Shqipërisë, me qëllimin e vetëm të sigurimit të kushteve për kthimin/ripranimin e tij.”;
3. Shtohet pika 3, me këtë përmbajtje: “3. Familjet në pritje të largimit nga Republika e Shqipërisë, duhet të akomodohen në mjedise të posaçme duke garantuar privatësinë e tyre.”;
4. Pikat 3 dhe 4 bëhet pikat 4 dhe 5;
5. Pika 4, ndryshon si vijon: “4. Autoriteti shtetëror përgjegjës në nivel vendor për trajtimin e të huajve mund ta ndalojë në qendër të mbyllur për arsye të sigurisë publike të huajin, identiteti apo arsyet e qëndrimit të të cilit nuk janë të qarta. Ndalimi për arsyet e

cituarë në këtë pikë duhet të zgjasë për aq kohë sa të qartësohet situata, por jo më shumë 30 ditë. Nëse ndalimi, pas konstatimit të situatës së paligjshmërisë, konsiderohet masë e nevojshme, me propozim të autoritetit të qendrës së mbyllur, autoriteti vendor për kufirin dhe migracionin nxjerr urdhër dëbimi. Nëse arsyet e ndalimit nuk justifikojnë më mbajtjen e tij në qendër, me propozim të autoritetit të qendrës së mbyllur, autoriteti vendor për kufirin dhe migracionin revokon urdhrin e ndalimit në qendër. Në çdo rast vihet në dijeni autoriteti qendror shtetëror përgjegjës për trajtimin e të huajve dhe kthimet.”.

Neni 52

Në nenin 117, bëhen këto shtesa dhe ndryshime:

1. Në pikën 2, fjala “...qendror...” zëvendësohet me fjalën “...vendor...”;
2. Pika 3 dhe 4, ndryshojnë si vijon:

“3. Kërkesa për zgjatjen e afatit të qëndrimit nga autoriteti i qendrës së mbyllur bëhet së paku 20 ditë përpara mbarimit të afatit 6-mujor të ndalimit në qendër. Autoriteti vendor për kufirin dhe migracionin shqyrton kërkesën dhe njofton autoritetin e qendrës së mbyllur për vendimin e marrë brenda një afati 10-ditor nga marrja e kërkesës.”

4. Gjatë kohës së ndalimit në qendrën e mbyllur, autoriteti i qendrës së mbyllur, në bashkëpunim me autoritetin vendor përgjegjës për kufirin dhe migracionin, shqyrton kushtet ekzistuese për të mbajtur të mbyllur në qendër të huajin e ndaluar. Në bazë të vlerësimit të situatës, me propozim të autoritetit të qendrës së mbyllur, autoriteti vendor përgjegjës për kufirin dhe migracionin mund të vendosë për zëvendësimin e masës së ndalimit në qendër me masa të përshtatshme të përkohshme të përcaktuara në këtë ligj. Në çdo rast vihet në dijeni autoriteti qendror shtetëror përgjegjës për trajtimin e të huajve dhe kthimet.”.

Neni 53

Në nenin 118, bëhet ndryshimi dhe shtesa si vijon:

1. Gërma “ç” ndryshon dhe bëhet: “ç) me revokimin e urdhrin të ndalimit në qendër;”
2. Në pikën 2, shtohet gërma “c” me këtë përmbajtje: “c) arsyet për të cilat është ndaluar nuk justifikojnë më mbajtjen në qendër.”.

Neni 54

Neni 119, ndryshon si më poshtë:

“Neni 119

Ndalimi i të miturve të pashoqëruar

1. Përfshirë, i mituri i pashoqëruar, i ndaluar, mbahet në një qendër për të mitur, e hapur posaçërisht për këtë qëllim, në ambiente apo qendra të tjera, që janë hapur apo funksionojnë në kuadër të marrëveshjeve të bashkëpunimit me organizatat ndërkombëtare dhe organizata jofitimprurëse që kryejnë misione për fëmijët ose kategori të tjera individësh në nevojë.
2. Të miturit e pashoqëruar dhe familjet me fëmijë, mund të bëhen subjekt i ndalimit si masë e fundit administrative dhe për një periudhë të përshtatshme sa më të shkurtër kohore, kur nga autoritetet shtetërore përgjegjëse vlerësohet se masat e mundshme alternative të parashikuara nga ky ligj nuk mund të zbatohen.
3. I mituri mbahet, në mjedise të posaçme të ndara nga ato për të rritur.
4. Të miturit duhet t'i krijohet mundësia për t'u angazhuar në aktivitete të kohës së lirë, përfshirë dhe aktivitete rekreative të përshtatshme për moshën e tij, si dhe duhet të ketë akses në arsimim, në varësi të kohëzgjatjes së ndalimit në qendër.
5. Para ndalimit të një të mituri në qendër të mbyllur kërkohet mendimi i një punonjësi social dhe psikologu.
6. Gjatë periudhës së ndalimit në qendër në rast se dyshohet lidhur me moshën, autoriteti i qendrës së mbyllur në bashkëpunim me autoritetin vendor përgjegjës për kufirin dhe migracionin mund të kërkojë pranë institucioneve shtetërore të specializuara kryerjen e ekzaminimeve mjekësore të të ndaluarit, vetëm me qëllim verifikimin e moshës. Në rast se edhe pas verifikimeve dhe ekzaminimeve mbeten dyshime për moshën e të ndaluarit, prezumohet se ai është i mitur.”

Neni 55

Në nenin 127, bëhen këto shtesa dhe ndryshime:

1. Paragrafi i parë bëhet pika 1, dhe shtohet gërma “g” me këtë përmbajtje: “g) vendos gjoba ndaj të huajit dhe merr masa për ekzekutimin e tyre për të gjitha rastet e përcaktuara në nenin 139 të këtij ligji.”;
2. Shtohet pika 2, me këtë përmbajtje: “2. Procedurat mbi inspektimet e përbashkëta miratohen me urdhër të përbashkët të ministrit përgjegjës për rendin dhe sigurinë publike dhe ministrit përgjegjës për çështjet e punësimit.”.

Neni 56

Në nenin 134, bëhen këto shtesa dhe ndryshime:

1. Gërma “c” e pikës 1, ndryshon si vijon: “c) të ruajnë gjatë kohëzgjatjes së punësimit, kopjet ose regjistrat, si dhe evidenca mbi respektimin e të drejtave të punëmarrësve të huaj që burojnë nga legjislacioni i punës, të gatshëm për inspektim nga autoritetet përgjegjëse shtetërore për kontrollin e të huajve në territor, si dhe të inspektoratit përgjegjës për punësimin.”;
2. Shtohet pika 5 me këtë përmbajtje: “5. Për shkelje të detyrimeve të legjislacionit të punës nga punëdhënësit për punëmarrësit e huaj zbatohen sanksionet e përcaktuara në legjislacionin për inspektimin në punë nga autoriteti përgjegjës për inspektimin e punës.”.

Neni 57

Në nenin 140, në pikën 1, fjalët “Punëtor i huaj...” zëvendësohen me fjalët “Shtetasit e huaj...”.

Neni 58

Në nenin 141, shtohet gërma “n” me këtë përmbajtje: “n) punëdhënësi i cili nuk vë në dispozicion të inspektorit të punës evidenca mi punësimit e të huajve dhe shkel të drejtat e tyre gjatë marrëdhënies së punës sanksionohet me gjobë nga 10 deri në 50 fishin e pagës minimale, sipas përcaktimeve të ligjit për inspektimin e punës.”

Neni 59

Hyrja në fuqi

Ky ligj hyn në fuqi 15 ditë pas botimit në Fletoren Zyrtare.

KRYETAR

Elisa Spiropali